

6. Tón pak, kotrehož ród k nim so njepriliča, je džesatk bral wot Abrahama a toho požohnowal, kiž měješe slubjenja.*

7. Bjeze wšoho přeca pak bywa mjeńše wot lěpšeho žohnowane.*

8. A tudy zawěsće bjeru džesatk smjertni čłowjekowje; tam pak so wobswědčuje, (wo tom, kiž jón bjerje), zo je žiwy.*

9. A (zo bych tak prajil) přez Abrahama je tež Levi, kotryž džesatk bjerješe, džesatk dawal;

10. Přetož běše hišće w ledźbach wótea (Abrahama), hdyž jemu Melchisedech napřećiwo přińdže.*

11. Jelizo běše tohodla dokonjenje* přez levitiske měšnistwo (přetož lud dósta pod nim zakón)**, čohodla běše hišće trěbne, zo by po rjedže Melchisedechowym druhi měšnik wstanyl, a zo njeby po rjedže Aaronowym so mjenowal?

12. Přetož, hdyž je měšnistwo přenjesene, je trjeba, zo by tež přenjesenje zakonja so stało.*

13. Přetož tón, wo kotrymž so to praji,

je z druhého splaha, z kotrehož nihtó při wołtarju njeje služil.

14. Přetož zjawne je, zo je z Judy wušol naš Knjez, při kotrymž splahu Mójzes ničoho wo měšnikach prajil njeje.*

15. A hišće bóle je to zjawne (z toho), zo po podobnosći Melchisedechowej druhi měšnik wstawa,

16. Kotryž to njebu po zakonju mjasneje prikazuje, ale po mocy njezachodneho žiwjenja;

17. Přetož swědči so: Ty sy měšnik do wěnosće po rjedže Melchisedechowym.*

Ps. 109, 4.

18. Zběhnjenje prjedawšeho zakonja mjenujey stawa so jeho slabosće a njeužitnosće dla;

19. (Přetož zakón ničo njedowjedže k dokonjanosći); tola (stawa so) zapokazanje k lěpšej nadźiji, přez kotruž Bohu so bližimy.*

20. A za tym hač so to njestawa bjez přisahi (druzy drje buchu bjez přisahi měšnicy,

6. Hdyž bě hódnosć levitiskeho měšnistwa tak wosebna, dokelž wot druhich Israelitow džesatk bjerjachu, kak wysoka je hódnosć Melchisedecha, kotryž, byrnje k Abrahamowemu rodej njeslušal, tola wot Abrahama samo džesatk dósta. — 7. Tež z toho sčěhuje Melchisedechowa přednosć nad Abrahamom, dokelž bu tón wot njeho žohnowany; přetož nižši bywa jeno žohnowany wot wyššeho. — 8. Daša přednosć Khrystusoweho měšnistwa leži w tom, zo wěčuje traje, dokelž Pismo wo nim swědči, zo je žiwy, njez tym zo levitisey měšnicy, kotřiž džesatk bjeru, jedyn po druhim wunru. — 10. Nowa přednosć Khrystusoweho měšnistwa je w tom, zo je tež Levi Melchisedechej džesatk dal; Abraham to nječinjaše sam za so, ale za wše swoje potomnistwo, potajkim tež za Levia a za židowske měšnistwo, wot Levia pokhadžace. — 11. List dopokazuje nětko (r. 11—22), zo je Khrystusowe měšnistwo tež tohodla wosebniše dyžli levitiske, dokelž bu tute zo starym zakonjom zběhnjene, hdyž tola njedosahaše k dokonjenju, t. r. k wujednanju čłowjestwa z Bohom, k zničanju hrěcha. ** Zakón, t. r. cyłe nabožne a zjawne zarjadowanje israelskeho ludu zwisowaše najwuzšo z měšnistwom a z jeho zastojustwom, z woporami a swjedženjemi a woboje, ludowe zarjadowanje a měšnistwo, bu wot Boha postajene. — 12. Nowe měšnistwo na měsće stareho levitiskeho njemóžeše so zawjesć bjez přeměnenja zakonja; tutón pak so wěsće přeměnil njeby, hdy by dosahał k wujednanju čłowjekow. Tohodla wotstroni so z levitiskim měšnistwom cyły stary zakón, a po nowym zarjadowanju maju čłowjekowje swoje dokonjenje t. r. wujednanje z Bohom a swoje wozboženje pytać. — 14. Z tym, zo bu Khrystus jako měšnik postajeny, bu hižo zakón powaleny, dokelž po zakonju dyrhjaču měšnicy ze splaha Levi a z Aaronoweje swójby być; Khrystus pak bě z druhého splaha. — 17. Zo je so z přeměnenjom w měšnistwje tež zakón přeměnil, widzi so z toho, zo po Melchisedechowym rjedže měšnik wstany, kotryž tute zastojustwo njedosta po někajkim postajenju mjasneho t. r. zwonkowneho zakonja, jako přislušnosć k wěstemu splahaj, ale kotryž bu měšnik po mocy njezachodneho žiwjenja, t. r. měšnik, kiž je po Melchisedechowym rjedže slubjeny, njewumrje, kaž levitisey měšnicy, ale wostawa wěčuje měšnik. — 19. Stary zakón so zběhnje, dokelž čłowjeka k dokonjanosći njewjedže, z Bohom njewujedna, a na jeho město stupi něšto lěpše, štož nam wěstu nadźiju poskičuje na wujednanje z Bohom; a w tutej nadźiji směny dowěrnje k Bohu so bližić, mjez tym zo wěriwi stareho zakonja sebi njezwěrichu, do Swjatnicy abo Najswećejšeho zastupić.